

王臨川全集

^ 16  
891  
5



16  
891  
5



王臨川全集卷十五

律詩 五言

次韻唐公三首

東陽道中

山蔽吳天密江蟠楚地深浮雲堆白玉落日寫黃金渺渺  
隨行旅紛紛換歲陰強將詩詠物收拾濟時心

江行

材非當世用轂有故人推使節春冬換征帆日夜開南遊  
取於越東望得州來試盡風波惡生涯亦可哀

旅思

此身南北老愁見問征途地大蟠三楚天低入五湖看雲

心共遠步月影同孤慷慨秋風起悲歌不爲鱸

烏塘

地僻居人少山稠伏獸多怒狸朝搏雁嚙虎夜窺騾籬落  
生孫竹門庭上女蘿未應悲寂寞六載一經過

欲歸

水漾青天暖沙吹白日陰塞垣春錯莫行路老侵尋綠稍  
還幽草紅應動故林畱連一杯酒滿眼欲歸心

發館陶

促轡數殘更時聞雞一鳴春風馬上夢沙路月中行笳鼓  
遠多思衣裘寒始輕稍知田父穩燈火閉柴荆

王村

曉靄王村路春風北使旗塵摧輕騎走寒咽短簫吹攬轡  
聯貂帽投鞭各酒卮紛紛小兒女何事倚牆窺

長垣北

攬轡長垣北貂寒不自持霜風急鼓吹煙月暗旌旗騎火  
流星點牆桑亞戟枝柴荆掩春夢誰見我行時

冬日

擾擾今非昔漫漫夜復晨風沙不貸客雲日欲迷人散髮  
愁邊老開顏醉後春轉思江海上—洗白綸巾

壬辰寒食

客思似楊柳春風千萬條更傾寒食淚欲漲冶城潮巾髮  
雪爭出鏡顏朱早雕未知軒冕樂但欲老漁樵

雨中

尚疑櫻欲吐已怪菊成漂紫莧凌風怯青苔挾雨驕長閑  
故有味多難自無聊牢落柴荆晚生涯付一瓢

宿雨

綠攪寒蕪出紅爭暖樹歸魚吹塘水動雁拂塞垣飛宿雨  
驚沙盡晴雲晝漏稀卻愁春夢短燈火著征衣

乘日

乘日塞垣入御風塘路歸胡皆躍馬去雁卻背人飛煙水  
吾鄉似家書驛使稀忽忽照顏色恨不洗征衣

秋露

日月凋何急荒庭露送秋初疑宿雨泣稍怪曉霜稠曠野

將馳獵華堂已御裘空令半夜鶴抱此一端愁

還自河北應客

魏客問謠俗舊傳今自如材難知驥馬味美賽河魚塞水  
移民久川防動眾初北人雖異論時議或非疎

將次涪州憩漳上

漠漠春風裏茸茸綠未齊平田鷓散啄深樹馬迎嘶地入  
河流曲天隨日去低高城已在眼聊復解輕齎

和仲庶夜過新開湖憶冲之仲涂共泛

水遠浮秋色河空洗夜氛行隨一明月坐失兩孤雲露髮  
此時濕風顏何處醺淹畱各有趣不比漢三君

雲之句

白樂天有  
二處成孤

王臨川集卷十五  
送契丹使還次韻荅淨因老

老欲求吾志時方撫我華強將愁出塞空得病還家日轉  
山河暖風含草木葩勝遊思一往不敢問三車

送吳叔開南征

摻袂不勝情犀舟擊汰行倦遊無萬里惜別有千名春草  
淒淒綠江楓湛湛青金陵多麗景此去屬蘭成

遊棲霞庵約平甫至因寄

渺渺林間路蕭蕭物外僧高陰涼易入閑貌老難增官事  
真傷錦君恩更飲冰求田此山下終欲忤陳登

和棲霞寂照庵僧雲渺

平甫

蕭然一世外所樂有誰同冥坐能忘老齋蔬不過中無心

爲佛事有客問家風笑謂西來意雖空亦不空

宜春苑

宜春舊臺沼日暮一登臨解帶行蒼蘚移鞍一作坐綠陰  
樹疎啼鳥遠水靜落花深無復增修事君王惜費金

春日

冉冉春行暮菲菲物競華鸞猶求舊友鸞不肯貧家室有  
賢人酒門無長者車醉眠聊自適歸夢到天涯

癸卯追感正月十五事

正月端門夜金輿縹緲中傳觴三鼓罷縱觀萬人同警蹕  
聲如在嬉遊事已空但令千載後追詠太平功

晚興和沖卿學士

刻刻風生晚娟娟月上初白沙眠綠驥清浪浴鱗魚竟欲  
從君飲猶便讀我書斜陽不到處牆角樹扶疎

秋興和沖卿

雲浮朝慘淡風起夜颼颼欲作冰霜地先迴草樹秋征人  
倚笛怨思婦向砧愁爲問隨陽雁哀鳴豈有求

次韻沖卿除日立春

猶殘一日騰併見兩年春物以終爲始人從故得新迎陽  
朝翦綵守歲夜傾銀恩賜隨嘉節無功祇自塵

題友人郊居水軒

田中三畝宅水上一軒開爲有漁樵樂非無仕進媒槎頭  
收晚釣荷葉卷新醕坐說魚腴美功名挽不來

遊賞心亭寄虔州女弟

秀發千峰霽清涵萬里秋滄江天上落明月鏡中流眼與  
魂俱斷身依影獨畱爲憐幽興極不見爾來遊

江亭晚眺

日下崦嵫外秋生沆碭間清江無限好白鳥不勝閑雨過  
雲收嶺天空月上灣歸鞅侵調角回首六朝山

金山寺

重經高處寺一與白雲親樹木有春意江山如故人幽軒  
含氣象偏影落風塵日暮臨歸去徘徊欲損神

揖仙閣

結閣揖仙子疏塘臨隱扉水花紅四出山竹翠相圍雲度

疑駢下鳧驚恐鳥飛蜀韁寧可恃投釣此忘歸

舟夜卽事

火炬臨遙岸餘光照客船水明魚中餌沙暖鷺忘眠感慨  
無窮事遲回欲曉天山泉如有意枕上送潺湲

何處難忘酒二首

擬白樂天作

何處難忘酒英雄失志秋廟堂生莽卓巖谷死伊周賦斂  
中原困干戈四海愁此時無一盞難遣壯圖休

二

何處難忘酒君臣會合時深堂拱堯舜密席坐臯夔和氣  
襲萬物歡聲連四夷此時無一盞眞負鹿鳴詩

送孫子高

蕩漾江南客融怡席上珍一罇相別酒千里獨歸人客路  
貧堪病交情遠更親自慙兒女意失淚滴衣巾

送董傳

悠悠隴頭水日夜向西流行路未云已歸人空復愁文章  
合用世顏髮未驚秋一聽秦聲罷還來上國遊

寄深州鼂同年

秀色歸荒隴新聲換鬣毛日催花藥急雲避雁行高駐馬  
旌旗暖傳觴鼓吹豪班春知不負短髮爲君搔

白雲然師

白首一山中形骸槁木同苔爭庵徑路雲補衲穿空塵土  
隨車轍波濤信施工昏昏老南北應謝此高風

白白土村入北寺二首

木杪日家出城陰野逕分澗渠行碧玉畦稼臥黃雲薄樅  
胭脂染深荷水麝焚夕陽人不見雞鶩自成羣

二

雨過百泉出秋聲連眾山獨尋飛鳥外時渡亂流間坐石  
偶成歇看雲相與還會須營一畝長此聽潺湲

題朱郎中白都莊

蕭灑桐廬守滄洲寄一廬山光隔釣岸江氣雜炊煙藜杖  
聽鳴鷓籃輿看種田明時須共理此興在他年

史教授獨善堂

湖海十年舊林塘三畝餘靜非談者隱貧勝富人居列鼎  
亦何有幅巾聊自如猶應不獨善學子滿階除

寄福公道人

帝力護禪林滄洲側布金樓依水月觀門接海潮音開士  
但軟語遊人多苦吟曾同方丈宿燈火夜沉沉

身閒

身閒宜晚食歲晏忌晨興人自嘲便腹吾方樂曲肱睡蛇  
雖不去夢虺已無憑寄語中林客思禪病未能

還家

還家豈不樂生事未應閑朝日已復出征鞍方更攀傷心  
百道水闔目萬重山何以忘羈旅翛然醉夢間

題湯泉壁示諸子有欲閑之意



吟哦一水上披寫眾峯間偶運非彭澤畱名比峴山君才  
今高稷家行古原顏平世雖多士安能易地閑

和唐公舍人訪淨因

西城方外士傳法自南華高蹈玩一世旁通兼數家來遊  
仁者靜傳詠正而葩乘興何時載還能託後車

沂溪懷正之

故人何處所天角浪漫漫寂寞斷音驛徘徊愁肺肝世情  
紛可怪旅況浩難安願化東南鵠高飛託羽翰

答許秀才

秀目錄  
作茂

高陽有才子負笈求晨館所趣少知者其辭多慨然樵妻  
竟謝絕漂母嘗哀憐尚友古之人於今猶壯年

王臨川全集卷十五終

王臨川全集卷十六

律詩 五言 五言長律附

次韻景仁雪霽

新聲生屋霽殘點着垣衣委翳無多在飄零不更飛  
坳中餘宿潤暖處自朝暉稍見青青色還從柳上歸

次韻范景仁二月五日夜風雪

何知此邂逅談笑接清揚對雪知春淺回燈惜夜長  
密雲通炫晃殘月墮冥茫故有臨邛客抽毫興未忘

次韻冲卿過睢陽

宮廟此神鄉留親泊楚艗天開今壯麗地積古悲涼  
不改山河舊猶餘草木荒還聞足賓客誰是漢鄒陽

王臨川集卷二十一  
荅沖卿

風作九衢黃南窗坐正涼  
破瓜青玉美浮萍白雲香  
詩懶猶能強官閑肯便忘  
賢愚各有用尺寸果誰長

得書知二弟附陳師道舟上汴

兒童聞太丘邂逅兩心投  
與汝今爲伴知吾不復憂  
園桃已解萼沙水欲驚舟  
一見南飛雁江邊肯更留

初憩和州

衣足一囊弊粟餘三釜陳  
猶依食貧地已媿省煩人  
塵上病催老風波愁過春  
詩書今在眼還欲討經綸

瘡起舍弟尚未已示道原

側足呻吟地連蕘瘡瘡秋窮  
鄉鑿自絀小市藥難求肝膽  
疑俱破筋骸漫獨瘳慚君遠  
從我契闊每同憂

送杜十八之廣南

東南炎海外尋訪又輸君  
過嶺猿啼暖貪程馬送嘯清談  
消瘴癘秀句起煙雲及早來  
鄉薦朝廷尚右文

崑山慧聚寺次張祐韻

峯嶺互出沒江湖相吐吞  
園林浮海角臺殿擁山根  
百里見漁艇萬家藏水村  
地偏來客少幽興祇桑門

吳江

莽莽昔登臨秋風一散襟  
地留孤嶼小天入五湖深  
柑橘無千里魚鰕有萬金  
吾雖輕范蠡終欲此幽尋

江

靈源開闢有羸縮但相隨逆折山能礙奔流海與期泥沙  
折蚌蛤雲雨暗蛟螭欲問深何許馮夷祇自知

江南

江南春起梅秋至尚波濤問舍才能定呼舟已復操行歌  
付浩蕩歸夢得蕭騷冉冉欲何補紛紛爲此勞

賈生

漢有洛陽子少年明是非所論多感慨自信肯依違死者  
若可作今人誰與歸應須蹈東海不但涕沾衣

還白舅家書所感

行行過舅居歸路指親廬日苦樹無賴天空雲自如黃蕉  
下澤稻綠碎短樊蔬沮溺非吾意憫嗟聊駐車

世事

世事一何稠論心日已偷尚蒙今士笑宜見古人羞老圃  
聊須問良田亦欲求非關畏黻冕無責易身修

寄純甫

塞上無花草飄風急我歸稍林聽澗落卷土看雲飛想子  
當紅藥思家上翠微江寒亦未已好好著春衣

招丁元珍

默默不自得紛紛何所爲書漫聊取食獵較且隨時秋入  
江湖暗風生草樹悲黃花一杯酒思與故人持

遊杭州聖果寺

登高見山水身在水中央下視樓臺處空多樹木蒼浮雲

連海氣落日動湖光偶坐吹橫笛殘聲入富陽

京兆杜嬰大醇能讀書其言近莊其爲人曠達而廉  
清目託於醫無貴賤請之輒往卒也以詩二首傷  
之

蕭瑟野衣巾能忘至老貧避囂依市井蒙垢出埃塵接物  
工齊物勞身恥爲身傷心宿昔地不復見斯人

二

叔度醫家子君平卜肆翁蕭條昨日事髣髴古人風舊宅  
雨生菌新阡寒轉蓬存亡誰一問嗟我亦窮空

江上

潮連風浩蕩沙引客淹留落日更清坐空江無近舟共看  
蒹葭宅聊即稻粱謀未敢嗟艱食凶年半九州

二

書自江邊使鄉鄰病餓稠何言萬里客更作百身憂補敗  
今誰卹趨生我自羞西南雙病眼落日倚扁舟

夏夜舟中頗涼因有所感

扁身畏朝熱望夜倚危檣日共火雲退風兼水氣涼未秋  
輕病骨微曙浣愁腸堅我江湖意滔滔興不忘

孤桐

天質自森森孤高幾百尋陵霄不屈已得地本虛心歲老  
根彌壯陽驕葉更陰明時思解愠願斲五絃琴

遲明

欹枕浩無情  
蘧蘧獨遲明  
霜繁紅樹老  
雲月素蟾清  
倦鵲猶三市  
寒雞未一鳴  
故山何處所  
應有曉猿驚

陪友人中秋夕賞月

海霧看如洗  
秋陽望卻昏  
光明疑不夜  
清瑩欲無垠  
掃掠風前坐  
留連露下尊  
苦吟應到曉  
況有我思存

頓縣修路者

畚築今三歲  
康莊始一修  
何言野人意  
能助令君憂  
戮力非無補  
論心豈有求  
十年空志食  
因汝起予羞

河勢

河勢浩難測  
禹功傳所聞  
今觀一川破  
復以二渠分  
國論終將塞  
民嗟亦已勤  
無災等難必  
從眾在吾君

送河間鼂寺丞

公孫富文墨  
名字世多知  
談笑取高第  
弦歌當此時  
臨河薪石費  
近塞繭絲移  
緩急常愁此  
看君有所爲

暮春

春期行晚晚  
春意賸芳菲  
曲水應修禊  
披香未試衣  
雨花紅半墮  
烟樹碧相依  
悵望夢中地  
王孫底不歸

遊北山

攬轡出東城  
登臨目暫明  
煙雲藏古意  
猿鶴弄秋聲  
客坐苔紋滑  
僧眠樾蔭清  
賞心殊未已  
山下日西榮

吳正仲謫官得故人寄蟹以詩謝之余次其韻

越客上荆舫  
秋風憶把螯  
故煩分巨跪  
持用佐清糟  
飲量

寬滄海詩鋒捷孟勞甘浪飽觴詠餘事付鈞陶

陳師道宰烏程縣

嘗聞太丘長德不負公卿墟墓今千載昆雲亦一城本懷  
深閉蓄餘論略施行故自有仁政能傳家世聲

冬至

都城開博路佳節一陽生喜見兒童色歡傳市井聲幽閑  
亦聚集珍麗各攜擎卻憶外年事關商閉不行

湯泉

寒泉詩所詠獨此沸如烝一氣無冬夏諸陽自廢興人游  
不附火蟲出亦疑冰更憶驪山下歆然雲滿脰

讀鎮南邸報癸未四月作

賜詔寬言路登賢壯陛廉相期正在治素定不煩占眾喜  
夔龍盛予虞絳灌儉太平詎可致天意慎猜嫌

擬和御製賞花釣魚

雲暖蓬萊日風酣太液春水光承步輦花氣入鈞陳伏檻  
留清蹕傳觴屬從臣霏香連釣餌落葉亂游鱗鎬飲恩知  
厚衢樽賜願均更看追夏諺先知詠逢辰

和吳沖卿雪霽紫宸朝

虎士開闔闔雞人唱九霄雲移銀闕角日轉玉廊腰箒動  
川收潦靴鳴海上潮舞袍沾宿潤拜笏擁殘飄賜飲人何  
樂歸嘶馬亦驕低但忘食吟咏得逍遙

和吳沖卿集禧齋祠

緘封祝辭密占寫御名真帝坐遙臨物星圖俯映人風含  
煙外節月點霧中茵沈藿升煙遠槐檀取燎新羽衣歸寂  
寞金鍍立逡巡卻想來時路還疑隔一塵

送周都官通判湖州

涿水烏程地青山顧渚濱酒醪猶美好茶薺正芳新聚泛  
樽前月分班焙上春仁風已入俗樂事始關身橘柚供南  
貢楓槐望北辰知君白羽扇歸日未生塵

雙廟

張巡  
許遠

兩公天下駿無地與騰驤就死得處所至今猶耿光中原  
擅兵革昔日幾侯王此獨身如在誰合國不亡北風吹樹  
急西日照窗涼志士千年淚泠然落奠觴

和子瞻同王勝之游蔣山

并序

予瞻同王勝之游蔣山有詩余愛其峰多巧障日江遠欲  
浮天之句因次其韻

金陵限南北形勢豈其然楚役六千里陳亡三百年江山  
空幕府風月自觥船主迷悲涼岸妃理想故蓮臺傾鳳久  
去城踞虎爭偏司馬壩廟域獨龍層塔顛森疎五願木蹇  
淺一人泉椀杖窮諸嶺籃輿罷半天朱門園淥水碧瓦第  
青煙墨客真能豔留詩野竹娟

送鄆州知府宋諫議

盛世千齡合宗工四海瞻天心初籲後雲翼首離潛德望  
完圭角儀形壯陞廉徐鳴蒼玉佩盡校碧牙籤綸掖清光



注鑿坡茂渥霑文明誠得主政瘼尚煩砭右府參機務東  
塗贊景炎廟謨資石畫兵略倚珠鈴坐鎮均勞逸齋居養  
智恬謳謠喧井邑惠化穆蒼黔進律朝章舊疏恩物議僉  
通班三殿邃徙部十城兼申甫周之翰龜蒙魯所詹地靈  
奎宿照野沃汶河漸首路龍旗盛提封虎節嚴賜衣纏紫  
艾衛甲綴朱綬海谷移文省谿堂燕豆添班春回紺幃問  
俗卷彤檐舟楫商巖命熊羆渭水占治裝行人覲金鼎重  
調鹽

見遠亭上王郎中

高亭豁可望朝暮對谿山野色軒楹外霞光几席閒樹侵  
蒼靄沒鳥背夕陽還草帶平沙闊煙籠別戍關圍畦荷氣  
合田徑燒痕斑樵笛吟晴塢漁帆出暝灣登臨及芳節宴  
喜發朱顏夾砌陳旌旒寒簾進珮環觀風南國最應宿紫  
辰班康樂詩名舊蕪音詎可攀

王臨川全集卷十六終

王臨川全集卷十七

律詩 七言

歲晚懷古

先生歲晚事田園魯叟遺書廢討論問訊桑麻憐已長按  
行松菊喜猶存農人調笑追尋壑稚子歡呼出候門遙謝  
載醪祛惑者吾今欲辯已忘言

段約之園亭

愛公池館得忘機初日雷連至落暉菱暖紫鱗跳復沒柳  
陰黃鳥轉還飛徑無凡草唯生竹盤有嘉蔬不采薇勝事  
闡州雖或有終非吾土豈如歸

又段氏園亭

五言詩全集卷十七  
一  
歌眠隨水轉東垣一點炊煙映水昏  
漫漫芙蓉難覓路條條楊柳獨知門  
青山呈露新如染白鳥嬉游靜不煩  
朱雀航邊今有此可能搖蕩武陵源

回撓

柴荆散策靜涼颺  
隱几扁舟白下潮  
紫磨月輪升靄靄  
帝青雲幕卷寥寥  
數家雞犬如相識  
一塢山林特見招  
尚憶木瓜園最好  
興殘中路且回撓

酴醾金沙二花合發

相扶照水弄春柔  
發似矜夸斂似羞  
碧合晚雲霞上起  
紅爭朝日雪邊流  
我無丹白知如夢  
人有朱鉛見卽愁  
疑此冶容詩所忌  
故將膠木比綢繆

次韻公闢正議書公戲語申之以祝助發一笑

故人辭祿未忘情  
語我猶能作扞城  
身不自遭如貢薛  
兒應堪教比韋平  
老罷豈得長高臥  
雛鳳仍聞已間生  
把盞祝公公莫拒  
緇衣心爲好賢傾

次韻致遠木人洲二首

迷子山前漲一洲  
木人圖志失編收  
年多但有柳生肘  
地僻獨無茅蓋頭  
河側鮑生乾尚立  
江邊屈子槁將投  
未妨他日稱居士  
能使君疑福可求

二

杙爾何年客此洲  
飄流誰棄止誰收  
無心使口肝使目  
有幹作身根作頭  
暴露神靈難寄託  
禱祠村落幾依投  
紛紛

翦紙真虛負立槁安知富可求

次韻酬龔深甫二首

恩容楚老護松楸復得一龔從我遊講肄劇談兼祖謝舞  
雩高蹈異求由北尋五柞故乘慙東挽三楊仍有樛陟嶽  
降原從此始但無瑤玉與君舟

二

握手東岡雪滿簪後期惆悵老吳蠶芳辰一笑真難值暮  
齒相思豈久堪他日杜詩傳渭北幾時周宅對漳南百年  
邂逅能多少且可勤來共草菴

次葉致遠韻

生涯聊占水中洲豈即乘桴逐聖丘身與鳧飛仍雁集心

能茅靡亦波流由來杞梓常先伐誰謂菰蒲可久留乘興

吾廬知未厭故移脩竹擬延騶

一作知君聊占水中洲去

須問舍得坻有興即乘流由來

要路當先據誰謂窮鄉可久留他日五湖尋范蠡想能重此駐前騶

次韻酬朱昌叔五首

點也自殊由與求既成春服更何憂拙於人合且天合靜  
與道謀非食謀未愛京師傳谷口但知鄉里勝壺頭嗟予  
老矣無一事復得此君相與遊

二

去年音問隔淮州百謫難知亦我憂前日杯盤共江渚一  
歡相屬豈人謀山蟠直瀆輸淮口水抱長干轉石頭乘興  
舟與無不可春風從此與公遊

三  
烏榜登臨興未休共言何許更消憂  
聯裾蕭寺尋真覺方罵孫陵弔仲謀  
語罷每開歡笑口詩來仍掉苦吟頭  
已知軒冕真吾累且可追隨馬少游

四

白下門東春水流相看一噓散千憂  
穿梅入柳曾莫逆度壑緣岡初不謀  
世事但如吹劍首官身難卽問刀頭  
長臨鍛竈真自苦有興復來從我遊

五

樂世閑身豈易求巖居川觀更何憂  
放懷自事如初服買宅相招亦本謀  
名譽子真矜谷口事功新息困壺頭  
知君於此皆無累長得追隨壙垆遊

次韻送程給事知越州

千騎東方占上頭如何誤到北山遊  
清明若覩蘭亭月暖熱因忘蕙帳秋  
投老始知歡可惜通宵豫以別爲憂  
西歸定有詩千首想肯重來賁一丘

次韻酬徐仲元

投老逍遙吧與堂天刑真已脫桁楊  
緣源靜翳無魚滄度谷深追有鳥顏  
每苦交遊尋五柳最嫌尸祝擾庚桑  
相看厭唯夫子風味真如顧建康

詩奉送覺之奉使東川

三秋不見每惓惓握手山林復悵然  
後會敢期黃耆日相

看且度白雞年畏途石棧王尊馭榮路金門祖逖鞭一代  
官儀新藻拂得瞻宸宇想留連

次韻奉酬覺之

久知乘傳入西州雞黍從容本不謀戶外驚塵尺書至眼  
中飛浪片帆收山林病骨煩三顧湖海離腸欲萬周尚有  
光華賁岑寂篋中佳句得長留

送程公闢得謝歸姑蘇

東歸行路嘆賢哉碧落新除寵上才白傅林塘傳畫去吳  
王花鳥入詩來唱酬自有微之在談笑應容逸少陪少保  
謝事居姑蘇又王中甫除此兩翁相見外不知三徑爲誰  
開  
歌詞與相唱酬燕集

送項判官

斷蘆洲渚落楓橋渡口長沙過午潮山鳥自呼泥滑滑行  
人相對馬蕭蕭十年長自青衿識千里來非白璧招握手  
祝君能強飯華簪常得從雞翹

次韻張德甫奉議

知君非我載醪人終日相隨免汗茵賞盡高山見流水唱  
殘白雪值陽春中分香積如來鉢對現毗耶長者身誰拂  
定林幽處壁與君圖寫繼吾真

北山三詠

寶公塔

道林真骨葬青霄窳堵千秋未寂寥寶勢旁連大江起尊

形獨受眾山朝雲泉別寺分三徑香火幽人止一瓢我亦  
鷲峰同聽法歲時歌唄豈辭遙

覺海方丈

往來城府住山林諸法翛然但一音不與物違真道廣每  
隨緣起自禪深舌根已淨誰能壞足迹如空我得尋歲晚  
北窗聊寄傲蒲萄零落半牀陰

道光泉

籀龍將雨繞山行注遠投深靜有聲雲涌浴槽朝自暖如  
垂齋鑊午還晴銅瓶各滿幽人意玉鬚因高正士名神力  
可嗟妨智巧桔槔零落蘄苔生

登寶公塔

倦童疲馬放松門自把長筇倚石根江月轉空爲白晝嶺  
雲分暝與黃昏鼠搖岑寂聲隨起鷓鴣矯荒寒影對翻當此  
不知誰客主道人忘我我忘言

重登寶公塔復用前韻二首

空見方墳涌半霄難將生死問參寥應身東返知何國瑞  
像西歸自本朝遺寺有門非輦路故池無鉢但僧瓢獨龍  
下視皆陳迹追數齊梁亦未遙

二

碧玉旋螺恍隔霄冠山仙冢亦寥寥空餘華構延風月無  
復靈蹤落市朝帳座追巖多獻寶供盤隨施有操瓢他方  
出沒還如此與物何心作邈遙

紙暖閣

聯屏蓋障一尋方南設鈎簾北置牀側座對敷紅絮暖仰  
廳分啟碧紗涼檀廬易以梅烝壞錦幄終於草野妨楚穀  
越藤真自稱每糊因得減書囊

雨花臺

盤互長干有絕陁并包佳麗入汪亭新霜浦激綿綿淨薄  
晚林巒往往青南上欲窮牛渚怪北尋難忘草堂靈便輿  
卻走垂楊陌已戴寒雲一兩星

北牕

病與衰期每強扶雞壑枯梗亦時須空花根蒂難尋摘夢  
境煙塵費掃除耆域藥囊真妄有軒轅經匱或元無北窗

枕上春風暖漫讀毗耶數卷書

小姑

小姑未嫁與蘭支何恨流傳樂府詩初學水仙騎赤鯉竟  
尋山鬼從文狸續紛雲襪空棠楫綽約煙鬟獨桂旗弄玉  
有祠終或往飛瓊無夢故難知

榮上人遽欲歸以詩留之

道人傳業自天台千里倏然赴感來梵行毗沙爲外護法  
筵靈曜得重開已能爲我运神足便可隨方長聖胎肯顧  
北山如慧約與公西崦斲莓苔

呈陳和叔

并序

嘉祐末和叔以集賢校理判登聞鼓院同知太常禮院皮



三門川全錄卷一  
場街有園數畝中置二椽瓢袁丈北戶臨溝略約通街旁  
作小屋毀輜車爲蓋某以直集賢院爲三司度支判官以  
知制誥糾察在京刑獄同管勾三班院間度約飯車蓋下  
隨所有無生臥輒上笑語常至夜如此三歲而和叔遭太  
夫人憂未幾某亦喪親以去時永昭陵尚未復土也復與  
和叔皆蒙今上拔用數會嗚呼皆憂傷之餘責  
厚事叢無復故情元豐元年丁某食觀使祿居鍾  
山南和叔經略廣東道舊恨然某作詩以敘其  
事

毀車爲屋僅容身三歲相要薄主人畫寓椽輒常至夜冬  
沿溝約復尋春南陔不泊公歸里蒼墓垂成我喪親後會

縱多無此樂山林投老一傷神

招呂望之使君

湖溝東路兩牛鳴十畝漪漣一草亭委質山林如許國寄  
懷魚鳥欲忘形紛紛易變浮雲白落落難鍾老柏青尚有  
使君同好惡想隨秋水肯揚舲

公闢枉道見過獲聞新詩因敘歎仰

青丘神父能爲政碧落僊翁好作詩舊事齊兒應共記新  
篇楚老得先知懷輒大峴如迎日供帳闔門勝去時若與  
鴟夷鬪百草錦囊佳麗敵西施

全椒張公有詩在北山西庵僧者漫之悵然有感

十年悵躡山阡終欲持杯滴到泉東路角巾非故約西

王臨川全集卷十七  
州華屋漫脩椽幽明永隔休炊黍真俗相妨久絕弦遺墨  
每看疑邂逅復隨人事散如煙

嶺雲

嶺雲合處小盤桓人得敷衾馬解鞍寒菼著天榆歷歷淨  
華浮海桂團團交遊渙散淵明喜吏卒蕭條叔夜寬方丈  
老翁無一髮更知來不爲皮冠

蓼蟲

蓼蟲事業無餘習芻狗文章不更陳隱几自憐居喪我俱  
堂誰覺似非人難堪藏室稱中士祇合箕山作外臣尚有  
少絲灰未死欲持新句惱比鄰

莫疑

莫疑禪伯未知禪莫笑仙翁不學仙靈骨肯傳黃蘗燼眞  
心自放赤松煙蓮華世界何關汝楮葉工夫浪費年露鶴  
聲中江月白一燈岑寂擁書眠

王臨川全集卷十七終

王臨川全集卷十八

律詩 七言

示俞秀老

繚繞山如涌翠波人家一半在煙蘿時豐笑語春聲早地僻追尋野興多宰堵朱蠹開北向招提素脊隱西阿暮年要與君攜手處處相煩作好歌

外厨遺火示公佐

刀匕初無欲清士姓人如何竈鬼尚嫌嗔脩脩短褐方煬

一作火冉冉青煙已被宸邂逅焚巢連鳥雀倉黃濡幕愧

比鄰王陽幸有囊衣在報賞焦頭亦未貧

讀眉山集次韻雪詩五首

若木昏昏末有鷗凍雷深閉阿香車搏雲忽散篔簹爲屑翦  
水如分綴作花擁箒尚憐南北巷持杯能喜兩三家戲撥  
弄搗輪兒女羔袖龍鍾手獨叉

二

神女青腰寶髻鷗獨藏雲氣委飛車夜光往往多聯璧白  
小紛紛每散花珠網纏連拘翼座瑤池淼漫阿環家銀爲  
宮闕尋常見豈卽諸天守夜叉

三

惠施文字黑如鷗於此機緘漫五車繒若易緇終不染紛  
然能幻本無花觀空白足寧知處疑有青腰豈作家慧可  
忍寒真覺晚爲誰將手少林叉

四

寄聲三足阿環鷗問訊青腰小駐車一一照肌寧有種紛  
紛迷眼爲誰花爭妍恐落江妃手耐冷疑連月姊家長恨  
玉顏春不久畫圖時展爲君叉

五

戲搖微縞女鬟鷗試咀流酥已頰車慙亂稍埋冰揉粟消  
沉時點水圓花豈能解媿真尋我且與蝸牛獨臥家欲挑  
青腰還不敢直須詩膽付劉叉

讀眉山集愛其雪詩能用韻復次韻一首

靚妝嚴飾曜金鷗比興難工漫百車水種所傳清有骨天  
機能識皦非花嬋娟一色明千里綽約無心熟萬家長此

賞懷甘獨臥袁安交戟豈須義

八功德水

雪山馬口出琉璃聞說諸天與護持此水遙連八功德供  
人真淨四威儀當時迦葉無塵染何事闔鄉有土思道力  
起緣非一路但知瓢飲是生疑

寄題程公闢物華樓

吳楚東南最上游江山多在物華樓遙瞻旌節臨尊俎獨  
臥柴荆阻獻酬想有新詩傳素壁怪無餘墨到滄洲渴渥  
南望重重綠章水還能向此流

酬俞秀老

灑掃東庵置一牀於君獨覺故情長有言未必輸摩詰無

法何曾泥飲光天壤此身知共弊江湖他日要相忘猶貪  
半偈歸思索卻恐提柏妄揣量

次韻吳冲卿召赴資政殿聽讀詩義感事

冲卿詩云雪銷鵝鶻

御溝融燕見殊恩綴上公畫日乍驚三接寵正風  
獲聽二南終解頭共仰天顏喜墻面裁容聖域通  
午漏漸長知禹錫侍臣何術補堯聰時修  
撰經義所初進二南有旨資政殿讀云

周南麟趾聖人風未有騶虞繫召公雅頌兼陳爲四始笙  
歌合奏以三終討論詔使成書上休澣恩容著籍通牆面  
豈能知奧義延陵聽賞自爲聰

張侍郎示東府新居詩因而和酬二首

待賢方慕北山萊赤白中天二府開功謝蕭規慙漢第恩  
從隗始詫燕臺曾畱上主經過跡更費高人賦詠才自古

落成須善頌掃除東閣望公來

二

榮觀流傳動草萊中官賜設上尊開鼓歌窸窣聽疑夢肴  
果聯翩餽有臺芥藻故應宜舊德棟梁非復稱凡材虛堂  
欲踵曹參事試問齊人或肯來

次韻沖卿上元從駕至集禧觀偶成

昭陵持橐從遊人更見熙寧第四春寶構中開移玉座華  
燈錯出映朱塵輦前時看新歌舞仗外還從舊徼巡投老  
逢時追往事卻含愁思度天津

次韻陪駕觀燈

繡簷含風下玉除宮商挾奏斐然殊福祥周室流爲火恩

澤堯樽散在衢伏枕但能知廣樂揮毫何以報明珠願留  
巾篋歸田日追詠公歡每自娛

和吳相公東府偶成

承華往歲幸躊躇風月清談接緒餘竝轡趁朝今已老連  
牆得屋喜如初誅茅我夢江臯地澆蕪公思洛水渠斂退  
故應容拙者先營環堵祭牢蔬

和蔡樞密孟夏日西府書事

宮闕初晴氣象饒寶車攢轂會東朝重輪慶自離明發內  
壤陰隨解澤消賜篚外廷紛錦繡燕庖中禁續薪樵聯翩  
入賀知君意思尺威顏不隔霄

和蔡副樞賀平戎慶捷

城郭名王據兩陞軍前一日送降旗羌兵自此無傳箭漢  
甲如今不解纍幕府上功聯舊代朝廷稱慶具新儀周家  
道泰西戎喙還見詩人詠串夷

次韻奉和蔡樞密南京種山藥法

蔡詩并序云蒙見

并以生頭數十莖送上輒成小詩青青正是中分  
天區種何拋試玉延即見引須緣夏木定知如蹠  
薦冬筵始博睡嬌心既潤還御水冰霜結蔭近堯  
雲雨露偏自裹自題還自媿握苗應笑宋人然

區種拋來六七年春風條蔓想宛延難追老圃莓苔徑空  
對珍盤玳瑁筵嘉種忽傳向右壤靈苗更長闕西偏故畦  
穿廡知何日南望鍾山一慨然

次韻元厚之平戎慶捷

來詩有何人更得通天帶  
謀合君心只晉公之句

朝廷今日四夷功先以招懷後殪戎胡地馬牛歸隴底漢

人煙火起湟中投戈更講諸儒藝免胄爭趨上將風文武  
佐時慚吉甫宣王征伐自虜公

謁曾魯公

即赴會時

翊戴三朝冕有蟬歸榮今作地行仙且開京闕一作洛蕭何  
第未放江湖范蠡船老景已鄰周呂尚慶門方似漢韋賢  
一觴豈足為公壽願賦長虹吸百川

駕自啟聖還內

衣冠原廟漢家儀羽衛親來此一時天子當懷霜露感都  
人亦歎鼓簫悲紛紛瑞氣隨雲漠漠榮光上日旗塵土  
未驚閭闔閉綠槐空覆影參差

集禧觀池上詠野鵝

三  
五  
池上野鵝無數好晴天鏡裏雪氈毳似憐暄暖鳴相逐疑  
戀寬閑去卻回京洛塵沙工黠汗江湖矰弋飽驚猜羽毛  
的的人難近嗟此謀身或有才

次韻東廳韓侍郎齋居晚興

齋禁雖嚴異太常蕭然高臥意何長煙含欲暝宮庭紫日  
映新秋省闈黃壯節易摧行踽踽華年相背去堂堂追攀  
坐歎風塵隔空聽鈞天夢帝鄉

酬和雨祥源觀醮罷見寄

竊祿祠官久見容每持金石薦宸衷鈞天忽忽清都夢方  
丈寥寥弱水風知結勝緣人意外想尋陳迹馬蹄中新詩  
起我超然興更感鍾山蕙帳空

和御製賞花釣魚

二  
蔭幄晴雲拂曉開傳呼仙仗九天來披香殿上畱朱輦大  
液池邊送玉杯宿藻暖含風浩蕩戲鱗清映日徘徊宸章  
獨與春爭麗恩許賡歌豈易陪

靄靄祥雲翬路晴傳呼萬歲雜春聲蔽虧玉仗宮花密映  
燭金溝御水清珠藻受風天下暖錦鱗吹浪日邊明從容  
樂飲眞榮遇願賦嘉魚頌太平

次楊樂道韻六首

後殿朝次偶題

百年文物士優游萬國今方似綴旒發策東堂招儁乂回



與北苑罷倡優忽隨諸彥登龍尾尚憶當年應鵠頭獨望  
清光無補報更慙虛食太官羞

御溝

渺渺金河漲欲平數支分綠報清明常縈輦路漂花去更  
引流杯送酒行靜見金輿穿樹影清含玉漏過牆聲衰顏  
一照自多感迴首江南春水生

幕次憶漢上舊居

漢水泱泱繞鳳林峴山南路白雲深如何憂國忘家日尚  
有求田問舍心直以文章供潤色未應風月負登臨超然  
便欲遺榮去卻恐元龍會見侵

後苑詳定書懷

文墨由來妙禁中家傳豈獨賦河東平生聽想風聲早數  
日追隨笑語同御水新如鴨頭綠宮花更有鶴翎紅看花  
弄水聊爲樂不晚朝廷相弱翁

上巳聞苑中樂聲書事

苑中誰得從春遊想見漸臺瓦欲流御水曲隨花影轉宮  
雲低繞樂聲畱年華未破清明節日暮初回被袂舟更覺  
至尊思慮遠不應全爲拙倡優

用樂道舍人韻書十日事呈樂道舍人聖從待制  
東門人物亂如麻想見新驄照路華午鼓已傳三刻漏從  
官初賜一杯茶忽忽殿下催分首擾擾宮前聽賣花歸去  
莫言天上事但知呼客飲流霞

詳定幕次呈聖從樂道

殿閣掄材覆等差從臣今日擅文華楊雄識字無人敵何遜能詩有世家舊德醉心如美酒新篇清目勝真茶一觴一詠相從樂傳說猶堪異日誇

崇政殿詳定幕次偶題

嬌雲漠漠護層軒嫩水濺濺不見源禁柳萬條金細燃宮花一段錦新翻身閑始更知春樂地廣還同避世喧不恨玉盤冰未賜清談終日自蠲煩

詳定試卷二首

簾垂咫尺斷經過把卷空聞笑語多論眾勢難專可否法嚴人更謹誰何文章直使有無類勳業安能保不磨疑有

高鴻在寥廓未應迴首顧張羅

二

童子常誇作賦工暮年羞悔有揚雄當時賜錦倡優等今日論才將相中細甚客卿因筆墨卑於爾雅注魚蟲漢家故事真當改新詠當知勝弱翁

奉酬楊樂道

邂逅聯裾殿閣春卻愁容易卽離羣相知不必因相識所得如今過所聞近代聲名出盧駱前朝筆墨數淵雲與公家世由來事愧我初無百一分

奉酬聖從待制

班行想望歲空多知有龍門未敢過和近聖人師展季勇

爲君子盜荆軻三刀舊協庭幃夢五袴今傳里巷歌復道  
諫書嘗滿篋不唯詩句似陰何

次韻吳仲庶省中畫壁

畫史雖非顧虎頭還能滿壁寫滄洲九衢京洛風沙地一  
片江湖草樹秋行數條魚賓共樂臥看鷗鳥吏方休知君  
定有扁舟意卻爲丹青肯少畱

夜讀試卷呈君實待制景仁內翰

篝燈時見語驚人更覺揮毫捷有神學問比來多可喜文  
章非特巧爭新蕉中得鹿初疑夢牖下窺龍稍眩真邂逅  
兩賢時所服坐令孤朽得相因

答張奉議

五馬渡江開國處一牛吼地作菴人結蟠茅竹纔方丈穿  
築溝園未過旬我久欲忘言語道君今來見句文身思量  
何物堪酬對捧喝如今摠不親

王臨川全集卷十八終

王臨川全集卷十九

律詩 七言

次韻和吳仲庶池州齊山畫圖知制誥時作

省中何忽有崔嵬六幅生  
綃坐上開指點便知巖石處  
登臨新作使君來雅懷重向丹青得勝勢  
兼隨翰墨回更想杜郎詩在眼一江春雪下離堆

次韻祖擇之登紫微閣二首

漠漠秋陰護掖垣青雲祇在兩楹間  
宮樓唱罷雞人退門闕朝歸虎士閑  
華蓋北瞻天帝座蓬萊東想道家山  
卻慙久此隨諸彥文采初無豹一斑

二

掖門相對做銅鑲  
轍轍飛甍在兩間  
潤色平生知地禁  
登臨此日愧身閑  
浮雲倒影移窻隙  
落木回飈動屋山  
忽憶初來秋尚早  
紫微花點綠苔斑

送沈興宗察院出使湖南

諫書平日阜囊中  
朝路爭看一馬驄  
漢節飽曾衝海霧  
楚帆聊復借湖風  
皇華命使今爲重  
直道酬君遠亦同  
投老承明無補助  
得爲湘守卽隨公

春風

一馬春風北首燕  
卻疑身得舊山川  
陽浮樹外滄江水  
塵漲原頭野火煙  
日借嫩黃初著柳  
雨催新綠稍歸田  
回頭不見辛夷發  
始覺看花是去年

永濟道中寄諸舅弟

燈火忽忽出館陶  
回看永濟日初高  
似聞空舍烏鳥樂  
更覺荒陂人馬勞  
客路光陰真棄置  
春風邊塞祇蕭騷  
辛夷樹下烏塘尾  
把手何時得汝曹

道逢文通北使歸

朱顏使者錦貂裘  
笑語春風入貝州  
欲報京都近消息  
傳聲車馬少淹留  
行人盡道還家樂  
騎士能吹出塞愁  
回首此時空慕羨  
驚塵一段向南流

將次相州

青山如浪入漳州  
銅雀臺西八九丘  
螻蟻往還空壟畝  
騏驎埋沒幾春秋  
功名蓋世知誰是  
氣力迴天到此休  
何必

地中餘故物魏公諸子分衣裘

次韻平甫喜唐公自契丹歸

子辭北使而唐公代往

留犁澆酒得戎心繡袷通歡歲月深奉使由來須陸賈離親何必強曾參燕人候望空甌脫胡馬追隨出蹕林萬里春風歸正好亦逢佳客想揮金

尹村道中

滿眼霜吹宿草根謾知新歲不逢春卻疑青嶂非人世更覺黃雲是塞塵萬里張侯能奉使百年曾子肯辭親自憐許國終無用何事紛紛客此身

次韻王勝之詠雪

萬戶千門車馬稀行人卻返鳥休飛玲瓏翦水空中墮的皜裝春樹上歸素髮聯華驚老大玉顏爭好羨輕肥朝年已賀豐年瑞更問田家果是非

次韻酬府推仲通學士雪中見寄

朝來看雪詠君詩想見朱衣在赤墀爲問火城將策試何如雲屋聽臆知曲牆稍覺吹來密窮巷終憐掃去遲欲訪故人非興盡自緣無路得傳卮

次韻宋次道憶太平早梅

大梁春費寶刀催不似湖陰有早梅今日盤中看翦綵當時花下就傳杯紛紛自向江城落杳杳難隨驛使來知憶舊游還想見西南枝上月徘徊

和曾子翊授舒掾之作

皖城終歲靜如山  
府掾應從到日閑  
一水碧羅裁繚繞  
萬峯蒼玉刻孱顏  
舊遊筆墨苔今老  
浪走塵沙鬢已斑  
攬轡羨君橋北路  
春風枝上鳥關關

送劉和父奉使江西

劉郎今日擁旌麾  
傳到江南喜可知  
上冢還須擊羊豕  
下車應不問狐狸  
無人敢效一作勸公榮  
酒爲我聊尋逸少池  
亦見嶺頭花爛漫  
更將春色寄相思

次韻張子野竹林寺二首

澗水橫斜石路深  
水源窮處有叢林  
青鴛幾世開蘭若  
黃鶴當年瑞卯金  
敗壁數峰連粉墨  
涼煙一穗起檀沈  
十年親友半零落  
回首舊遊成古今

二

京峴城南隱映深  
兩牛鳴地得禪林  
風泉隔屋撞哀玉  
竹月緣堦貼碎金  
藻井仰窺塵漠漠  
青燈對宿夜沈沈  
扁舟過客十年事  
一夢此山愁至今

送吳龍圖知江寧

才高明主睠方深  
屬郡聞風自革心  
閭里不須多按治  
山川從此數登臨  
茅簷坐隔雲千里  
柏壟初抽翠一尋  
東望泣然知有寄  
但疑公豈久分襟

送直講吳殿丞宰鞏縣

青嵩碧洛曾遊地  
墨綬銅章忽在身  
擁馬尚多畿甸雪  
隨衣無復禁城塵  
古來學問須行已  
此去風流定慰人  
更憶

少陵詩上語知君不負鞏梅春

送真州吳處厚使君

江上齋船駐彩橈鳴笳應滿綠楊橋久爲漢吏知文法當  
使淮人服教條拱木延陵瞻故國叢祠瓜步認前朝登臨  
莫負山川好終欲東歸聽楚謠

送李質夫之陝府

平世求才漫至公悠悠羈旅事多窮十年見子尚短褐干  
里隨人今北風戶外屨貧虛自滿樽中酒賤亦常空共嫌  
欲老無機械心事還能與我同

題儀真致政孫學士歸來亭

彭澤陶潛歸去來素風千歲出塵埃明時儁老心無累故

里高門子有才更作園林負城郭常留花月映池臺卻尋  
玉柳先生傳柴木區區但可哀

次韻吳季野題岳上人澄心亭

高亭五月尚寒生回首塵沙白鬱蒸砌水亂流穿石底檻  
雲高出蔽山層躋攀欲絕人間世締構知從物外僧腸胃  
坐來清似洗神奇未怪佛圖澄

送彥珍

挾筴窮鄉滿鬢絲陂田荒盡豈嘗窺未應谷口終身隱正  
合菑川舉國推握手百憂空往事還家一笑卽芳時柘岡  
定有辛夷發亦見東風使我知

寄張先郎中



留連山水住多時年比馮唐未覺衰篝火尚能書細字郵  
筒還肯寄新詩胡牀月下知誰對蠻榼花前想自隨投老  
主恩聊欲報每瞻高躅恨歸遲

汜水寄和甫

虎牢關下水逶迤想汝飄然過此時灑血祇添波浪起脫  
身難借羽翰追留連厚祿非朝隱乖隔殘年更土思已卜  
治城三畝地寄聲知我有歸期

寄黃吉甫

朱顏去似朔風驚白髮多於野草生挾筴讀書空有得求  
田間舍轉無成解鞍烏石岡邊坐攜手辛夷樹下行今日  
道思真樂事黃塵深處走雞鳴

次韻平甫村墅春日

昨日青青尚未齊忽看春色滿高低陂梅弄影爭先舞葉  
鳥藏身自在啼樵躑躅雲歸舊徑漁蓑背雨向前溪似知  
我欲逃軒冕談笑相過各有攜

卽席次韻微之泛舟

畫舸幽尋北果園應將陳迹問桑門地隨牆墅行多曲天  
著岡巒望易昏故國時平空有木荒城人少半爲村悠悠  
興廢皆如此賴付乾愁酒一罇

示長安君

少年離別意非輕老去相逢亦愴情草草杯盤供笑語昏  
昏燈火話平生自憐湖海三年隔又作塵沙萬里行欲問

後期何日是寄書應見雁南征

和平甫招道光法師

練師投老演真乘像劫空王爪與肱於總持門通一路以  
光明藏續千燈從容發口酬摩詰邂逅持心近慧能新句  
得公還有賴古人詩字恥無僧

和祖仁晚過集禧觀

妍暖聊隨馬首東春衫猶未著方空煙霞送色歸瑤水山  
木分香繞闥風壯髮已輸塵外綠衰顏漫到酒邊紅日斜  
歸去人間世卻記前遊似夢中

程公闢轉運江西

江西一節鑄黃金最慰章濱父老心長孺向來真強子次

公今不異重臨餘風尚有歡謠在陳迹非無勝事尋豫想  
新時能寄我十年華省故情深

次韻微之卽席

釀成吳米野油囊卻愛清談氣味長閑日有僧來北阜平  
時無盜出南唐風亭對竹酬孤峭雪徑尋梅認暗香江水  
中濡應未變一杯終欲就君嘗

和王微之秋浦望齊山感李太白杜牧之

齊山置酒菊花開秋浦聞猿江上哀此地流傳空筆墨昔  
人埋沒已蒿萊平生志業無高論末世篇章有逸才尚得  
使君驅五馬與尋陳迹久徘徊

次韻王微之登高齋

三石川集卷十九  
臺殿荒墟辱井堙豪華不復見臨春北山漠漠雲垂地南  
隸悠悠水映人馳道蔽虧松半死射場埋沒雉多馴登高  
一曲悲亡國想繞紅梁落暗塵

和微之重感南唐事

叔寶傾陳衍弊梁可嗟曾不見興亡齋祠父子終身費酣  
詠君臣舉國荒南狩皖山非故地北師淮水失名王天移  
四海歸真主誰誘昏童肯用良

李君舅弟訪別長蘆至淮陰追寄

怒水憑風雪壟高亂流追我祇魚舫忽看淮月臨寒食想  
映江春聽伯勞道義當成麟一角文章已禿兔千毫後生  
可畏吾知子南北何時見兩髦

貴州虞部使君訪及道舊竊有感惻因成小詩

韶山秀拔江清寫氣象還能出措紳當我垂髫初識字看  
君揮翰獨驚人郵籤忽報旌麾入齋閣遙瞻組綬新握手  
更誰知往事同時諸彥略成塵

沖卿席上得行字

二年相值喜同聲並轡塵沙眼亦明新詔各從天上得殘  
樽同向月邊傾已嗟後會歡難必更想前官責尚輕黽勉  
敢忘君所勗古人憂樂有違行

示董伯懿

穿橋度壑祗閑行詠石嘲花亦漫成嚼蠟已能忘世味畫  
脂那更惜時名長千里北寒山紫白下門西野水明此地

王臨川全集卷十九  
一 廛須卜築故人他日訪柴荆

王臨川全集卷十九終

王臨川全集卷二十

律詩 七言

思王逢原三首

布衣阡陌動成羣卓犖高才獨見君杞梓豫章蟠絕壑  
騏驎裹跨浮雲行藏已許終身共生死那知半路分便恐  
世間無妙質鼻端從此罷揮斤

二

蓬蒿今日想紛披冢上秋風又一吹妙質不爲平世得微  
言唯有故人知廬山南墮當書案湓水東來入酒卮陳迹  
可憐隨手盡欲歡無復似當時

三

王臨川全集卷二十一  
百年相望濟時功歲路何知向北窮鷹隼奮飛鳳羽短騏  
驎埋沒馬羣空中郎舊業無兒付康子高才有婦同想見  
江南原上墓樹枝零落紙錢風

和吳御史臨淮感事

柵鎖城扉曉一開施牙車軸轉成雷黃塵欲礙龜山出白  
浪空分汴水來澄觀有林邀昧陋霽雲無力報奸回騷人  
此日追前事悲氣隨風動管灰

和文淑湓浦見寄

多難漂零歲月賒空餘文墨舊生涯相看楚越常千里不  
及朱陳似一家髮爲感傷無翠葆眼從瞻望有元花唯詩  
與我寬愁病報爾何妨賦棣華

次韻吳李野再見寄

衣裘南北弊風塵志趣卑汙已累親流俗尚疑身察察交  
遊方笑黨頻頻遠同魚樂思濠上老使鷗驚恥海濱邂逅  
得君還恨晚能明吾意久無人

次韻平甫贈三靈山人程惟象

家山松菊半荒蕪杖策窮年信所如占見地靈非卜筮筭  
知人貴自陶漁久諧郭璞言多驗老比顏含意更疎祗欲  
勒成方士傳借君名姓在新書

次韻和甫詠雪

奔走風雲四面來坐看山蘊玉崔嵬平治險穢非無德潤  
澤焦枯是有才勢合便疑包地盡功成終欲放春回寒鄉

不念豐年瑞只憶青天萬里開

次韻張氏女弟詠雪

天上空多地上稀初寒風力故應微那能鎮壓黃塵起強  
欲侵凌白日飛邑犬橫來矜意氣窟蟾偷出助光輝都城  
只有袁安僊我亦年年幸賜衣

次韻徐仲元詠梅二首

溪杏山桃欲占新高梅放蕊尚嬌春額黃映口明飛燕肌  
粉含風冷太真玉笛悲涼吹易散冰紈生澀畫難親爭妍  
喜有君詩在老我一作我老翛然敢效顰

二

舊挽青條冉冉新花遲亦度柳前春肌冰綽約如姑射膚

雪參差是太真搖落會應傷歲晚攀翻賸欲寄情親終無  
驛使傳消息寂寞知誰笑與顰

詩呈節判陸君名彥回

中郎筆墨妙他年晚與君遊喜象賢款款故情初未愁飄  
飄新句總堪傳英才但未遭文舉明主寧當棄浩然投贈  
臨分加組麗小詩能不強雕鐫

留題曲親益山和州曲敘

巧與天成未覺殊國工施手豈須與根連滄海蓬萊閣勢  
壓黃河砥柱孤坐上煙嵐生紫翠影中樓閣見青朱為山  
觀水皆良喻誰向君家識所趨

不到太初兄所居遂已十年以詩攀寄

一水衣巾翦翠綃九峰環珮刻青瑤生才故有山川氣卜  
築兼無市井囂三葉素風門閥在十年陳迹履綦銷歸榮  
早晚重攜手莫負幽人久見招

偶成二首

漸老偏諳世上情已知吾事獨難行脫身負米將求志戮  
力求田豈爲名高論頗隨衰俗廢壯懷難值故人傾相逢  
始覺寬愁病搔首還添白髮生

二

懷抱難開醉易醒曉歌悲壯動秋城年光斷送朱顏去世  
事栽培白髮生三畝未成幽處宅一身還逐眾人行可憐  
蝸角能多少獨與區區觸事爭

雨過偶書

霈然甘澤洗塵寰南畝東郊共慰顏地望歲功還物外天  
將生意與人間霽分星斗風雷靜涼入軒窗枕簟閒誰似  
浮雲知進退纔成霖雨便歸山

季春上旬苑中卽事

輦路行看斗柄東簾垂殿閣轉春風樹林隱翳燈含霧河  
漢欹斜月墜空新葢漫知紅簌簌舊山常夢直叢叢賞心  
樂事須年少老去應無日再中

上西垣舍人

共說才高世所珍諸賢誰敢望光塵討論潤色今爲美學  
問文章老更醇賦擬相如真復似詩看子建的應親仍聞

王臨川全集卷二十一  
四  
悟主言多直許史家兒往往嘖

退朝

門外鳴騶送響頻披衣強起赴雞人火城夜闇雲藏闕玉  
座朝寒雪被宸邂逅欲成雙白鬢蕭條難得兩朱輪猶憐  
退食親朋在相與吟哦未厭貧

與微之同賦梅花得香字三首

漢宮嬌額半塗黃粉色凌寒透薄妝好借月魂來映燭恐  
隨春夢去飛揚風亭把盞酬孤豔雪徑回輿諧暗香不爲  
調羹應結子直須畱此占年芳

二

結子非貪鼎鼐嘗偶先紅杏占年芳從教臘雪埋藏得卻

怕春風漏洩香不御鉛華知國色祇栽雲縷想仙裳少陵  
爲爾牽詩興可是無心賦海棠

三

淺淺池塘短短牆年年爲爾惜流芳向人自有無言意傾  
國天教抵死香鬢裊黃金危欲墮蒂團紅蠟巧能裝嬋娟  
一種如冰雪依倚春風笑野棠

和晚菊

不得黃花九日吹空看野葉翠蕤淵明醅酌知何處子  
美蕭條向此時委翳似甘終草莽栽培空欲傍籬籬可憐  
蜂蝶飄零後始有閑人把一枝

景福殿前柏



香葉由來耐歲寒，幾經眞賞駐鳴鑿。根通御水龍應蟄，枝觸宮雲鶴更盤。怪石誤蒙三品號，老松先得大夫官。知君勁節無榮慕，寵辱紛紛一等看。

四月果

一春強半勒花風，幾日園林幾樹紅。汲汲追攀常恨晚，紛紛吹洗忽成空。行看果下蒼苔地，已作人間白髮翁。豈惜解鞍畱夜飲，此身醒醉與誰同。

牆西樹

牆西高樹結陰稠，步履窮年向此畱。白日屢移催我老，清風一至使人愁。紛紛暝鳥驚還合，渺渺涼蟬咽欲休。回首舊林歸未得，看看知復幾春秋。

度麾嶺寄莘老

區區隨傳換，冬春夜半懸。崖託此身豈，慕王尊能許。國直緣毛義，欲私親施爲。已壞生平學，夢想猶歸寂。冥濱風月一歌勞者事，能明吾意可無人。

狄梁公陶淵明俱爲彭澤令，至今有廟在焉。刁景純

作詩見示，繼以一篇。

嘉祐中提點江東刑獄時作

梁公壯節就夔魑，陶令清身託酒徒。政在房陵成底事，年稱甲子亦何須。江山彭澤空遺像，歲月柴桑失故區。末俗此風猶不競，詩翁歎息未應無。

寄沈鄱陽

時爲江東提刑

離家當日尚炎風，叱馭歸時九月窮。朝渡藤溪霜落後，夜

過麾嶺月明中山川道路良多阻風俗謠言苦未通唯有  
番君人共愛流傳名譽滿江東

送裴如晦宰吳江

青髮朱顏各少年幅巾談笑兩歡然柴桑別後餘三徑天  
祿歸來盡一塵邂逅都門誰載酒蕭然江縣去鳴弦猶疑  
甫里英靈在到日憑君爲艤船

次韻樂道送花

沁水名園好物華露盤分送子雲家新妝欲映何人面彩  
筆知書幾葉花曾和郢中歌白雪亦陪天上飲流霞春風  
已得同心賞更擬攜詩載酒誇

籌思亭

在江東轉運  
司南廳後園

昔人何計亦何思許國憂民適此時寓興中園爲遠趣託  
名華榜有新詩數株碧柳蒼苔地一丈紅蕖淥水池坐聽  
楚謠知歲美想銜杯酒問花期

愁臺

頽垣斷塹有平沙老木荒榛八九家河勢東南吹地坼天  
形西北倚城斜傾壺語罷還登眺岸幘詩成卻嘆嗟萬事  
因循今白髮一年容易卽黃花

和正叔懷其兄草堂

茆堂竹樹水之濱耕稼逍遙似子真小吏一身今倦宦先  
生三畝獨安貧欲拋縣印辭黃綬來伴山冠戴白綸祗恐  
明時收士急不容家有兩閑人

鄭子憲西齋

漫構軒窻意亦深  
滔滔浮俗倦登臨  
詩書千載經綸志  
松竹四時蕭洒心  
曉枕不容春夢到  
夜燈唯許月華侵  
行看富貴酬勤苦  
車馬重來拾翠陰

寄題思軒

名郎此地昔徘徊  
天誘良孫接踵來  
萬屋尚歌餘澤在  
一軒還向舊堂開  
右軍筆墨空殘沼  
內史文章祗廢臺  
邑子從今誇勝事  
豈論王謝世稱才

陳君式大夫恭軒

恭軒靜對北堂深  
新斲檀欒一畝陰  
膝下往來前日事  
眼中封植去年心  
每懷罇斝沾餘瀝  
獨喜弦歌有嗣音  
肯構

會須門闕大世資  
何用滿籛金

寄黃吉甫

學兼文武在吾曹  
別後應看虎豹韜  
欲問廟堂誰鎮撫  
尚傳邊塞敢驚騷  
旌旗急引飛黃下  
時發騎士南征烽火遙連太白  
高聞說荆人亦憔悴  
家家還願獻春醪

高魏畱

魏畱十七助防邊  
埋沒鹽州十八年  
衣履窮空委胡婦  
糗糧辛苦待山田  
關河舊路頻回首  
腹背他時兩受鞭  
邂逅得歸耶戰死  
母隨人去亦蕭然

丁年

丁年結客盛遊從  
宛洛羶車處處逢  
吟盡物華愁筆老  
醉

消春色愛醅醞壚間寂寞相如病鍛處荒涼叔夜慵早晚  
青雲須自致立談平取徹侯封

王臨川全集卷二十終

王臨川全集卷二十一

律詩七言

送王詹叔利州路運判

王孫舊讀五車書手把山陽太守符未駕朱轡辭輦轂卻  
分金節佐均輸人才自古常難得時論如君豈久孤去去  
便看歸奏事莫嗟行路有崎嶇

送周仲章使君

看君東下雪溪船迴首紛紛已五年簪筆少畱吾所望剖  
符輕去此何緣高麾行路穿秦樹駿馬歸時著蜀鞭子墨  
文章應滿篋承明宣室正詳延

送王蒙州

請郡東南促去程拍堤江水照紅旌仁聲已逐春風到使  
節猶占夜斗行箭落阜鷗鳧免避句傳炎海鱷魚驚麒麟  
不是人間物漢詔先應召賈生

送龐簽判

北都兩去不辭勤仕路論材况出羣一相開藩嘗負弩三  
年通籍更從軍清談猶得當時事遺愛應從此日聞我憶  
荆溪山最樂看君摩翮上青雲

送潘景純

東都會以一當千場屋聲名十五年晚賜綠衣隨宦牒始  
操丹筆事戎旃明時正欲精蒐選榮路何當力薦延賴有  
使君能好士方看一鶚在秋天

送僧無惑歸鄱陽

晚扶衰僊寄人間應接紛紛祗強顏挂席每諳東匯水採  
芝多夢舊遊山故人獨往今爲樂何日相隨我亦閒歸見  
江東諸父老爲言飛鳥會知還

送遜師歸舒州

山川相對一悲翁往事紛紛夢寐中邂逅故人恩意在低  
徊今日笑言同看吹陌上楊花滿忽憶巖前蕙帳空亦見  
桐鄉諸父老爲傳衰颯病春風

送育王大覺禪師

單已安那示入禪草堂南望故依然山今歲暮終岑寂人  
更天寒最靜便隱蹟亦知甘白足憑心豈吝慰相憐所聞

不到荆門耳人老禾新又一年

寄無爲軍張居士

南陽居士月城翁曾習禪那問色空卓犖想超文字外低  
徊卻寄語言中真心妙道終無二末學殊方自不同此理  
世間多未悟因君往往嘆西風

次韻酬鄧子儀二首

青溪相值各青春老去臨流輒損神事事只隨波浪去年  
年空得鬢毛新論心未忍遺橫目于世還憂近逆鱗嘉句  
感君邀我厚自嗟才不異常人

二

金陵邂逅府東偏手得新蒲每共編采石耦耕垂百日青

溪並釣亦三年君才有用方求祿我志無成稍問田一笑  
欲論心迹事白頭相就且欷眠

送李璋

湖海聲名二十年尚隨鄉賦已華顛卻歸甫里無三徑擬  
傍胥山就一廛朱轂風塵休悵望青鞋雲水且畱連故人  
亦見如相問爲道方尋木雁篇

送章宏

道合由來不易謀豈無和氏識荆璆一川濁水浮文鷁千  
里輕帆落武丘身退豈嫌吾道進學成方悟眾人求西風  
乞得東南守杖策還能訪我不

別葛使君

邑屋爲儒知善政市門多粟見豐年追攀更覺相逢晚談  
笑難忘欲別前客幙雅遊皆置榻合堂清坐亦鳴弦輕舟  
後夜滄江北迴首春城空黯然

送王龍圖守荆南

壯志高才偃一藩更嗟賢路此時難長幡欲動何妨屈老  
驥能行豈易閑沙市放船寒月白渚宮留御古苔斑知公  
未厭還隨詔歸看功名重太山

次韻酬宋中散二首

初見彤庭賜履雙便參東閣寄南邦時聞正論除疑網每  
讀高辭折慢幢陳迹欲尋無復日舊恩思報有如江風流  
今見佳公子投老心旌一片降

二

超然京洛諒難雙處在家庭譽在邦道義門中窺戶牖風  
騷壇上見麾幢素書款款誰憐杜彩筆迢迢獨勝江信美  
賢公有才子篤誠真復類危降

和宋太博服除還朝簡諸朋舊

呼門初起外廷臣秀氣稜稜動搢紳談論坐來能慰我篇  
章傳出亦驚人  
生芻一束他年闕伐木相求此地新便欲  
與君同樂處窮通餘事不關身

次韻酬宋玘六首

洗雨吹風一月春山紅漫漫綠紛紛  
寒裳遠野誰從我散策空陂忽見君  
青眼坐傾新歲酒白頭追誦少年文  
因嗟

涉世終無補久使高材壅上聞

二

東風渺渺客天涯病眼先春已見花遠欲報君羞強聒老  
知隨俗厭雄誇窮通往事真如夢得失秋毫豈更嗟邂逅  
故人唯有醉醉中衣幘任欹斜

三

城中燈火照青春遠引吾方避糾紛遊行水邊追野馬嘯  
歌林下應山君愁尋徑草無求仲喜對簷花有廣文邂逅  
一樽聊酩酊聲名身後豈須聞

四

遠迹荒郊謝儁豪春風誰與駐千旄故交重趼恩何厚新

句連篇韻更高美似狂醒初噉蔗快如衰病得觀濤久知  
坏治成天巧豈與人間共一陶

五

無能私願祇求田時物安能學計然鑿井未成歌擊壤射  
熊猶得夢釣天遙思故國歸來日留滯新恩已去年攜手  
與君遊最樂春風陂上水濺濺

六

山陂疇昔從吾親諸父先生各佩紛零落長年誰語此遲  
回故地卻逢君衣冠偶坐論經術襁褓當時刺繡文更怪  
高材終未遇有司何日選方聞

寄吳正仲卻蒙馬行之都官梅聖俞太博和寄依韻



酬之

山水元暉去後空  
騷人還向此間窮  
小詩聊與論孤憤  
大句安知辱兩雄  
秦甲久愁荆劍利  
趙兵今窘漢旗紅  
背城不敢收餘燼  
馬首翩翩只欲東

寄平甫

少時爲學豈身謀  
欲老低徊各自羞  
乘馬從徒真擾擾  
求田問舍轉悠悠  
弦歌舊國平生樂  
鞍馬新年幾日留  
坐想搖鞭楊柳路  
春風先我入皇州

次韻舍弟常州官舍應客

霜雪紛紛上鬢毛  
憂時自悔日空蒿  
桑麻祇欲求三畝  
執利誰能筭一毫  
此地舊傳公子札  
吾心真慕伯成高  
飄然

更有乘桴興萬里  
寒江正復艖

舟還江南阻風有懷伯兄

幾時重接汝南評  
兩槩留連不計程  
白浪黏天無間斷  
元雲垂野少晴明  
平臯望望欲何向  
薄宦嗟嗟空此行  
會有開樽相勸日  
鶴鴿隨處共飛鳴

同陳伯通錢材翁遊山二君有詩因次元韻

秋來閑興每登臨  
因叩精藍望碧岑  
強策羸驂尋水石  
忽驚幽鳥下煙林  
同時覽物悲歡異  
自古忘名趨向深  
安得湖山歸我手  
靜看雲意學無心

夢張劍州

萬里憐君蜀道歸  
相逢似喜語還悲  
江淮別業依前處  
日

月新阡卜幾時自說曲阿猶未穩卽尋湓水去猶疑茫然  
卻是陳橋夢昨日春風馬上思

酬慕容員外

嘗爲王宮教授  
以武舉入宮掖

初駕王門學者師晚漂湖海眾人悲吹毛未試腰間劍刺  
股猶藏袖裏錐衛霍功名還有命蘇張才氣久非時江尤  
亦見應須飲莫放窮愁入兩眉

次韻張唐公馬上

揭節初悲力不任賜身終愧謬恩臨病來氣弱歸宜早偷  
取官多責恐深膏澤未施空謗怨瘡痍猶在豈謳吟黃昏  
信馬江城路欲訪何人話此心

和王司封會同年

收科天陞頃同時回首相歡事亦稀追講舊遊犀塵脫交  
酬新唱彩牋飛直須傾倒罇中酒休惜淋漓浪坐上衣日暮  
主翁留客轄會稽聊滯買臣歸

次韻酬子玉同年

子玉  
貂虎

詩云過盡金湯知帝策見求  
識軍儀男兒本有四方志祇

在蓬瀛  
恐不知

盛德無心漠北窺蕃胡亦恐勢方羸塞垣高壘深溝地幕  
府輕裘緩帶時趙將時皆思李牧楚音身自感鍾儀慙君  
許我論邊鎖俎豆平生卻少知

和舍弟舟上示沈道源

還裝欲盡喜舟輕更喜嘉賓伴此行野飲不忘魚可釣旅  
羹何惜雁能鳴西山壯馬先歸牧南穴殘臬欲就烹憂國

自多廊廟宰與君詩酒盡交情

過山卽事

卻過茲山已九年江湖身世只飄然曲城丘墓心空折鹽步庭闈眼欲穿慘慘野雲生隴底蕭蕭饑馬立風前轉多愁思催華髮早晚輕舟上秀川

酬裴如晦

二年羈旅越人吟乞得東南病更侵殤子未安莊氏義壽親還慰魯侯心鮮鮮細菊霜前藥漠漠疎桐日下陰濁酒一杯秋滿眼可憐同意不同斟

酬鄭閔中

蕭條行路欲華顛迴首山

漿非敢在人先文章滿世吾誰慕行義如君眾所傳宜有至言來助我可能空寄好詩篇

寄余温卿

雲散風流不自禁天涯無路盍朋簪空馳上國青泥信誰和南山白石音平日離愁寬帶眼訖春歸思滿琴心終回一命翩翩駕獨過稽山鍛樹陰

寄郎侍郎

兩朝人物歎賢豪凜凜清風晚見衰江漢但歸滄海闊丘陵難學太山高放懷詩酒機先息迴首功名世自勞久願作公樽俎客恨無三畝斷蓬蒿

送道光法師住持靈巖

靈巖開闢自何年草木神奇鳥獸僊一路紫苔通窅窱千  
崖青靄落潺湲山祇嘯聚荒禪室象眾低摧想法筵雪足  
莫辭重趼往東人香火有因緣

王臨川全集卷二十一終

